

Ame ndi livela oku kala ndupostolo Paulu eci a linga hati:

«Nda kuliha okukuta lokukala lonjala, okukala lelau lokusuka. Nela ovina viosi vu Kristu.»

Ame si yongola okuloña kocitanda toke nda kupukila vonjanjo yukuasi. Omanu valua va kuatiwa lalivelo uveke kuenje va fa. Va loña kenyoleho.

Ukualuali okusaluka hati:

Avoyo! Ndinga nye?

Ukuakristu wo laleka hati:

«Vanjiliya tete Usoma wa Suku kuenda esunga liahe, kuenje ovina viosi vikuavo Eye o vi vokiyako.»

Ukualuali wa litavela hati:

Nda liyeka koviteka, ovio nda kolela kuenda olosuku violosekulu vietu. Ovio via nyiha ukuasi haivia nda liteyuila lavio. Lomue o papala lame. Nda pangisa ale valua oku taha. Ndaño nda va nyola cimue, kombonge ka va ci popi.

Ukuakristu wo kumbulula hati:

Okuetu, ciwa ndeci a popia, puãi Ondaka ya Suku yi tu longisa okuti

«Ava vosi va kolela oviteka, ocikepa cavo ci taima vociva condalu.»

«Oviteka vimuha, ka vi tēla oku tu popela.»

Vonduko ya Yesu ñasi loku ku sapuila pi wa sesamela okuliyeka. Ava va kolela Suku va koka. Eye o kola. Wa eca Omolaye Yesu Kristu oco tu sange ongecelo kuenda omuenyo una ka u pui.

Suku o ku sole. Enju kokuahe. Ku ka linyale loviteka. Litumbika ku Suku Usovoli wove oco o linge omolahe. Nda o kuete Embimbiliya, vanjiliya ovinimbu vilo:

Osamo 1.6

Osamo 3.8

Osamo 115.3-8

Yoano 3.16

Wa tumala pi?
Wa kolela nye?
Wa loña pi?
Wa liyeka pi?



Ukuakristu lukualuali va lilama lokulivan-gula pokati.

Yevelela olombangulo viavo.

Ukuakristu wafetika okupula hati: Wa tumala pi?



Ukualuali hati:

Ame nda tumala kukuasi kuenda oko nda tulila utima. Lolombongo viange ndi landa cosi ndi yongola, nda ekalu, nda nye. Lukuasi wange nda kolapo.

Ukuakristu wo kumbulula hati:

Ame nda tava kondaka ya Suku okuti

«Ukuasi wo kilu lieve u liwa lombunji ... pamue amba-tiwa lovimunu ...»

Ombunji calomboloka apese omanu va sole okusanga omo liovitangi. Valua va kolelele ukuasi wavo, cilo va siala muele ndoto. Va siala upolokoso. Kuli ukuasi umue ko liwa lombunji haiwo ko nyaniwa lovimunu. Calomboloka omuenyo kopui ku Suku.

Ukualuali wa pula hati:

Nda kuliha ohuasi yimue, ovapia ahe aima calua kuenje wa sanjuka. Okulinga ohuasi ekandu ale ndati?

Ukuakristu wa popia hati:

Ohuasi yaco, esapulo liahe nda li kulihavo momo lia sonehiwa vembibiliya, velivulu lia Suku (Luka 12.16-21).

Ohuasi yaco hati: Ndinga nye? Si kuete omo ngunguluila olomema viange. Noke wa tungulula olosila viahe kuenje wa tunga vimue vinene vali.

Wa tumala kukuasi wahe hati: Otima wange livala, lia, nyua, sanjuka! Puai Suku wa popia Iahe hati: Vu-veke, uteke ulu va kupa omuenyo wove ...

Ukualuali, oku ci sokolola hati:

Ame si kolela Suku, nda kolela lika epata liange, momo eci ndi saka ovo va nuatisa. Epata liange liosi olohuasi omo liaco nda tula utima. Lacimue nda sakalala laco. Omala vange vosi va tanga kuenje va talavaya apa panene. Esako ka li ndi sangi.

Ukuakristu hati:

Ocili, epata li kuatisa kovitangi vimue puai halonjanja viosiko. Ca siata okuti oku va tu kuatisa kuenda oku va tu popia.

Ca velapo okukolela Suku. Ondaka yahe yiti:

«Ku ka kolele omunu ukuasitu omo eteke a tula omuenyo o tiukila posi yahe.»

Okukolela epata ca soka ndokuteñelela kombueti yoluneva.

Ukualuali hati:

Mba ocili, epata liange lia nuatisa puai eci nda kuata onjo yaposoka okuti vepata ame lika ndi yi kuete, va ndi suvuka loku ndi sunga umbanda.

Ukuakristu wo kumbulula hati:

Oco muele. Omo liaco, tu koleli Suku. Eye lateke a tu popia lavi pamue oku tu yanduluka. Omunu o kolela Suku wa sumuluha, o linga ndomunda ka yi sengiwa.

Ukualuali hati:

Ci tava, haimo lumue, ame si ci tela okukolela Suku. Nda saka. Ngenda kocitanda eteke olio eteke oku ka limuisa momo tu kasi kotembo yovitangi. Wa topa ka li. Yilo oyo otembo yukandonge. »E pa ndo lie!»

Ukuakristu wa tava hati:

Ocili, tu kasi kotembo yasako alua. Ci sukila oku lunguka sanga wivala Suku loku punda manjove vondando. Suku hati:

«Ko ka pengisi esunga poku seteka usovi loku pesalisa, ndaño poku yonga.»

